

MENELUSURI DAKWAH SHAYKH MAHMUD KHALIL AL-HUSARI DALAM RIHLATI FI AL-ISLAM

1023

Mohd Mahfuz Bin Jaafar, Muhammad Fairuz Bin A.Adi, Muhammad Izzat Bin Ngah

Penulis Penghubung: Mohd Mahfuz Bin Jaafar, Jabatan Tahfiz al-Quran Dan al-Qiraat, Fakulti Pengajian Peradaban Islam, Kolej Universiti Islam Antarabangsa Selangor, Malaysia. Tel: (60) 017-389 9667. Email: *mohdmahfuz@kuis.edu.my*

ABSTRAK

Shaykh Mahmud Khalil al-Husari adalah seorang tokoh ilmuan al-Quran yang sangat terkenal dan dikagumi. Beliau sangat terkenal dengan kehebatannya dalam bidang bacaan al-Quran. Beliau juga sebenarnya aktif dalam aktiviti dakwah dengan bermusafir ke beberapa buah negara di dunia. Kitab yang bertajuk Rihlati Fi al-Islam merupakan sebuah karya yang menceritakan perjalanan aktiviti dakwah beliau yang ditulis oleh beliau sendiri. Sehubungan dengan itu, kajian ini akan menganalisis karya Rihlati Fi al-Islam bagi melihat hasil aktiviti dakwah beliau serta melihat negara-negara yang dilawati. Bagi mencapai objektif kajian ini, setiap maklumat dan data akan dikutip dan dianalisis dengan menggunakan metode kajian perpustakaan. Hasil kajian mendapati, Shaykh Mahmud Khalil al-Husari merupakan seorang yang aktif berdakwah dan telah bermusafir ke beberapa buah negara di dunia.

Kata kunci: Dakwah Al-Husari, Rihlati Fi al-Islam

1.0 PENDAHULUAN

Sejarah membuktikan bahawa Nabi Muhammad SAW tidak hanya menyampaikan, mendidik, mengajar dan membimbing dalam dakwahnya, tetapi Baginda sebagai *uswatun hasanah*. Oleh itu Baginda turut memberikan contoh yang baik dalam pelaksanaan sesuatu perkara dan mengambil berat terhadap kehidupan sosial, ekonomi, politik dan sebagainya.

Dengan skill dan cara yang tepat dan betul oleh seorang pendakwah dapat memberi kesan dan diterima oleh mad'u. Penulisan ini akan mengetengahkan seorang tokoh yang terkenal dalam bidang al-Quran iaitu Shaykh Mahmud Khalil al-Husari (SMKH) dengan mendedahkan aktiviti dan metode dakwah beliau kepada masyarakat dunia khususnya kepada bukan islam berdasarkan sebuah karya karangan beliau sendiri yang bertajuk *Rihlati Fi al-Islam*.

2.0 LATAR BELAKANG DAN RIWAYAT HIDUP AL-SHAYKH MAḤMŪD KHALĪL AL-ḤUṢARĪ (SMKH)

Beliau adalah Maḥmūd Ibn Khalīl al-Ḥuṣari. *Al-Ḥuṣari* merupakan satu gelaran bagi keluarga Shaykh Maḥmūd iaitu Khalīl. Dan *Al-Ḥuṣari* juga merupakan nisbah bagi bangsa arab.(SMKH) di lahirkan pada bulan Zulhijjah tahun 1335H bersamaan 17 September 1917M. Beliau dilahirkan di sebuah perkampungan bernama Shubrā al-Namlah di daerah Ṭanṭā di negeri Gharbiyyah Mesir. Ayahanda beliau sebenarnya berasal dari al-Fayyum Mesir, kemudian berpindah ke Shubrā al-Namlah Ṭanṭā sebelum anakandanya Shaykh Maḥmūd dilahirkan.

(SMKH) mula menghafaz al-Qur'an semasa umur beliau empat tahun. Telah menjadi kebiasaan ulama di dunia Islam khususnya di Mesir, mereka akan melengkapkan diri dengan menghafaz al-Qur'an pada usia mudanya sebelum mendalami ilmu-ilmu yang lain. (SMKH) telah sempurna menghafaz al-Qur'an 30 juzuk ketika usia beliau mencecah lapan tahun. Beliau mula bersekolah ketika usianya dua belas tahun di sebuah Maḥad Agama yang terletak di bandar Ṭanṭā hingga ke peringkat *thanawiy*. Ketika masih menuntut di Universiti al-Azhar, (SMKH) merupakan seorang pelajar yang berketerampilan serta mempunyai suara dan sebutan yang hebat ketika membaca al-Qur'an. Ianya diperakui sendiri oleh guru beliau iaitu Shaykh ʿAbd al-Fattāḥ al-Qāḍī kerana apabila ditanyakan soalan kepadanya siapakah pelajar Shaykh yang paling baik? Maka Shaykh ʿAbd al-Fattāḥ al-Qāḍī menjawab: “Shaykh Maḥmūd Khalīl al-Ḥuṣari dan Shaykh Muḥammad Ṣiddīq al-Minshāwī”.

(SMKH) merupakan seorang yang kerap bermusafir ke luar negara. Pada tahun 1980 Masihi, selepas pulanginya (SMKH) daripada rehlah beliau ke negara Arab Saudi, (SMKH) mula jatuh sakit dan ditambah pula dengan keletihan beliau dalam bermusafir. Sakit (SMKH) semakin kuat selepas tiga hari beliau pulang ke Mesir dan didapati beliau diserang sakit jantung. Pada masa itu para doktor perubatan telah menasihati anak-anak beliau agar (SMKH) segera dimasukkan ke Pusat Rawatan Jantung. Namun (SMKH) enggan mengikuti nasihat tersebut bahkan enggan untuk mengambil ubat-ubatan serta berkata: “Pengubatku hanyalah Allah S.W.T”. Apabila penyakit beliau semakin teruk, (SMKH) akhirnya dihantar ke Pusat Rawatan Jantung untuk dirawat walaupun itu bukan kehendak beliau.

Selepas (SMKH) pulih sepenuhnya beliau dibenarkan keluar dari Pusat Rawatan Jantung. Akan tetapi sudah menjadi ketentuan *Rab al-Jalīl*, pada hari isnin bertarikh 24 November 1980 bersamaan 16 Muharram 1401H, (SMKH) menghembuskan nafasnya yang terakhir pada usia 63 tahun yang juga menyamai usia kewafatan Baginda Rasulullah S.A.W. (SMKH) meninggal dunia selepas beliau menunaikan solat fardu isyak di kediamannya. Semoga Allah S.W.T merahmati al-Marhum Shaykh Maḥmūd Khalīl al-Ḥuṣarī.

3.0 RIḤLAH DAKWAH SHAYKH MAḤMŪD KHALĪL AL-ḤUṢARĪ

Berdasarkan karya (SMKH) bertajuk *Riḥlātī Fī al-Islām*, beliau telah berjalan melawat ke beberapa buah negara di dunia dalam menjalankan aktiviti dakwah serta menziarahi saudara seagama di negara lain. (SMKH) menceritakan setiap negara yang beliau lawati secara ringkas dalam buku berkenaan.

Karya yang mengandungi 208 halaman ini (SMKH) menceritakan tentang lawatan beliau ke negara India dan ianya merupakan negara pertama yang beliau lawati. Beliau menceritakan

keadaan negara tersebut serta tujuan ziarah ke sana dengan melampirkan beberapa gambar ketika berada pada satu-satu majlis di sana.

Pada tahun 1960M, Shaykh Maḥmūd Khalīl telah dipilih atau dicalonkan oleh pihak Kementerian Waqaf di Mesir untuk menziarahi sebahagian dari negara-negara Islam di benua asia iaitu India dan Pakistan bagi melawat serta menjalankan aktiviti dakwah kepada penduduk Islam yang berada di negara tersebut dan ianya dipersetujui Presiden Jamāl °Abd al-Nāṣir. Bentuk aktiviti dakwah oleh Shaykh Maḥmūd Khalīl ialah dengan memperdengarkan bacaan ayat-ayat al-Qur’ān kepada masyarakat di setiap negara tersebut.

Shaykh Maḥmūd Khalīl berada di India ketika persidangan Islam yang pertama sedang diadakan di sana. Persidangan tersebut dihadiri oleh Presiden India dan Presiden Mesir Jamāl °Abd al-Nāṣir. *Riḥlah* ke negara India ini merupakan rehlah pertama SMKHK ke negara luar.

Pada tahun 1963 Masihi SMKHK meneruskan aktiviti *riḥlah* beliau dengan melawat ke negara Kuwait. Ketika berada di sana, beliau dimaklumkan bahawa Yahudi Zionis telah melakukan perkara yang tidak bertanggungjawab dengan memutarbelitkan ayat-ayat al-Qur’ān al-Karīm bagi menyesatkan umat Islam.

Pada tahun 1965M, SMKHK dapat menziarahi negara Perancis. Di sana beliau berpeluang berdakwah kepada Non Muslim dan hasilnya beliau dapat membimbing sepuluh warga Perancis kepada agama Islam. Satu perkara yang menarik dalam hal ini adalah Non Muslim Perancis tersebut menjadi tertarik serta memeluk Islam dengan hanya setelah mendengar bacaan al-Qur’ān al-Karīm oleh SMKHK.

Pada tahun 1970M pula, SMKHK berpeluang menziarahi negara Amerika Syarikat dan pada ketika itu beliau menjadi wakil bagi pihak Kementerian Waqaf Mesir untuk menziarahi komuniti Islam yang berada di Amerika Utara dan Selatan.

SMKHK pergi ke Amerika Syarikat untuk kedua kalinya pada tahun 1973M dan pada ketika itu seramai lapan belas orang lelaki dan seorang wanita warga Amerika Syarikat memeluk Islam yang antaranya dua orang doktor dan tiga orang jurutera. Mereka bertalaqqi *Shahādah* di hadapan Shaykh Maḥmūd Khalīl dan beliau mengisytiharkan pengislaman warga Amerika tersebut. Ianya juga berlaku setelah mereka mendengar bacaan ayat-ayat al-Qur’ān dari SMKHK.

Ketika berada di bandar San Francisco, seorang wanita rakyat Amerika yang beragama Kristian datang kepada SMKHK dan menyatakan dirinya ingin memeluk Islam. Wanita tersebut menyatakan beliau amat tertarik dengan bacaan SMKHK walaupun wanita tersebut tidak memahami apa yang dibaca oleh SMKHK. Dan wanita tersebut berazam untuk mempelajari bahasa arab di sebuah pusat Islam yang terdapat di sana.

SMKHK juga telah melawati beberapa buah negara di benua Eropah antaranya Rusia, Kanada, Switzerland, England dan kebanyakan ibu-ibu negara di dunia termasuklah negara Cina. Semasa di kota London, SMKHK dijemput untuk membacakan ayat-ayat al-Qur’ān di dalam dewan Diraja dan di sebuah dewan yang berhadapan dengan sungai Thames di kota London. Selanjutnya Majlis Hal Ehwal Islam di London menjemput beliau ke dua buah bandar di Britain

iaitu Liverpool dan Sheffield untuk beliau memperdengarkan bacaan al-Qur'an kepada warga Arab dan warga yang beragama Islam yang terdapat di sana.

SMKH juga telah diterima untuk menjadi tetamu kepada raja-raja dan juga ketua-ketua negara seluruh dunia termasuklah Presiden Jimmy Carter yang merupakan Presiden Amerika Syarikat pada masa itu.

SMKH meluaskan lagi aktiviti rehlah dakwah beliau dengan melawat ke negara-negara di asia tenggara iaitu ke Republik Indonesia, Filipina, Singapura dan termasuklah negara Malaysia. Semasa berada di Malaysia iaitu pada tahun 1977M, beberapa kawasan di nagara Malaysia telah dilanda banjir kerana musim hujan dan menyebabkan Shaykh Maḥmūd Khalīl sukar untuk bergerak ke satu-satu destinasi. Oleh yang demikian kerajaan Malaysia telah memberi kemudahan kepada beliau dengan menaiki Helikopter untuk pergi menemui ribuan rakyat Malaysia yang telah sedia menunggu kedatangan Shaykh Maḥmūd Khalīl ke negara ini.

4.0 KESIMPULAN

Shaykh Mahmud Khalil al-Husari telah melakukan aktiviti Rihlah dakwah ke pelusuk dunia bermula pada tahun 1960M hingga tahun 1977M. Ianya merupakan satu tempoh yang agak lama beliau menjalankan aktiviti dakwah semasa hidup beliau.

Beliau hanya memperdengarkan bacaan ayat-ayat al-Quran kepada sesiapa sahaja yang beliau ziarahi termasuk orang bukan islam. Dan hasilnya seramai lapan belas orang lelaki dan seorang wanita warga Amerika Syarikat memeluk Islam yang antaranya dua orang doktor dan tiga orang jurutera. Mereka bertalaqqi *Shahādah* di hadapan SMKH dan beliau mengisytiharkan pengislaman warga Amerika tersebut. Ianya berlaku setelah mereka mendengar bacaan ayat-ayat al-Qur'an dari SMKH.

Ketika berada di bandar San Francisco, seorang wanita rakyat Amerika yang beragama Kristian datang kepada SMKH dan menyatakan dirinya ingin memeluk Islam. Wanita tersebut menyatakan beliau amat tertarik dengan bacaan SMKH halil walaupun wanita tersebut tidak memahami apa yang dibaca oleh SMKH. Dan wanita tersebut berazam untuk mempelajari bahasa arab di sebuah pusat Islam yang terdapat di sana.

Setelah dianalisis karya *Riḥlātī Fī al-Islām*, penulis mendapati SMKH telah mengongsikan pengalaman rihlah beliau ke beberapa buah negara di dunia dalam menjalankan aktiviti dakwah beliau.

RUJUKAN

- °Abd Allah al-Sālim, *Tarājim al-Qurrā' al-Shaykh Maḥmūd Khalīl al-Ḥuṣarī*, Islamophile, <http://www.islamophile.org/spip/article796,796.html> [8 Februari 2011].
- °Alā' Rif'at, (2009), *Sirah al-Shaykh al-Qurrā' al-Shaykh Maḥmūd Khalīl al-Ḥuṣarī*, Muntadayāt Ṣawt al-Qur'ān al-Hakīm, <http://quran.maktoob.com/vb/quran62868/> [7 Januari 2011].
- Ayman °Abd al-Ḥakam al-Ḥuṣarī, 2010, Sejarah Shaykh Maḥmūd Khalīl al-Ḥuṣarī. Temubual. [8 Jun 2010]

- Jam'iyah al-Shaykh al-Husari, *Fadhilah al-Shaykh Mahmud Khalil al-Husari*,
<http://elhosary.org/main/topics.php?id=68> [6 Jun 2011].
- Khairul Anuar Mohamad, (2011), *Legenda Tarannum al-Quran Mesir*, Darul Ulum Online,
<https://darululumonline.wordpress.com/2011/09/25/legenda-tarannum-al-quran-mesir/>.
- Maḥmūd Khalīl al-Ḥuṣarī, (t.th), *Riḥlatī Fī al-Islām*, Kaherah Mesir.
- Masrawy, (2010) *Al-Shaykh Maḥmūd Khalīl al-Ḥuṣarī*,
<http://www.masrawy.com/Isameyat/quran/Sofria/2010/april/7/el7osary.aspx#> [5 Januari 2011].
- Mohamed Rady, *Mawqī' Faḍīlah al-Shaykh Maḥmūd Khalīl al-Ḥuṣarī 1917-1980 M* ,
<http://www.elhosary.page.tl> [5 Mac 2011].